



## Publicaziuns dalla vischnaunca, jamna 49

### Damonda da baghegiar

2019-1047.000

### Datum dalla publicaziun: ils 6 da december

Il patrun: TCS Training & Freizeit AG, Via Fontanivas 9, 7180 Disentis/Mustér

Il representant: cavelti derungs ag, Glennerstrasse 18, 7130 Ilanz

Object: Sanaziun interna dil kiosc ed adattaziuns dil buffet dil campadi Fontanivas, parcella 2879, 7180 Disentis/Mustér

### Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 6 da december 2019

*Uffeci da baghegiar Disentis/Mustér*

---

## Cussegl da vischnaunca

Il cussegl da vischnaunca seraduna **venderdis, ils 13 da december 2019**, allas 19.30 en casa da scola a Segnas.

### Tractandas:

1. Protocol 23-2017/2020
2. Infrastructura relevanta per la regiun: Informaziun entras il sviluppader regiunal Surselva Rudolf Büchi
3. Agenda 2020
4. Ura da damondas (conform ad art. 44 dil regulativ da fatschentas)
5. Elecziuns:
  - 5.1 dil president ni dalla presidenta dil cussegl da vischnaunca per 2020
  - 5.2 dil vicepresidente ni dalla vicepresidente dil cussegl da vischnaunca per 2020

*Il president dil cussegl da vischnaunca*

---

## Temps d'unviern

### Restricziuns da carrar e mesiras da segirtad

Vias forestalas e funsilas

Duront igl unviern eis ei scumandau da carrar cun tuts vehichels sin las vias forestalas e funsilas. Quei scamond vala mintgamai naven digl emprem da december entochen entochen la fin da mars, respectivamein naven dil mument che las vias ein cuvretgas cun neiv. Fullar via (rumir vias) ei scumandau (art. 10 dil reglament da traffic).

### Sendas da viandar d'unviern e sendas da gianellas

Las sendas da viandar d'unviern sco era las sendas da gianellas (marcadas rosa) vegnan pridas en funcziun e mantenidas naven digl 1. da december 2019 entochen miez d'avrel 2020. Vegnan talas sendas e rutas passadas ordeifer quei temps, succeda quei en atgna responsabladad. Medemamein semova tut tgi che banduna sendas da viandar d'unviern, rutas da gianellas, vias rumidas dalla neiv e territori en zona da baghegiar en atgna responsabladad. Serradas da sendas, rutas e vias ein ligiontas per tuts e ston vegnir observadas (art. 6 e 10 dalla lescha davart l'organisaziun en cass da crisa). Naven dall'entschatta december vegn il stan actual davart l'avertura da sendas da viandar d'unviern e sendas da gianellas communicaus silla pagina d'internet [www.disentis.ch/strassen](http://www.disentis.ch/strassen).

Nus supplichein da prender enconuschientscha da questas directivas e giavischein in bi temps d'unviern.

Bien engraziament per la capientscha ed observaziun.

Disentis/Mustér, ils 22 da november 2019



Direcziun communal Disentis/Mustér

---

## Scaldaments mobils el liber

### **Bulius da scaldar, radiaturs, radiaturs d'infratgietschen etc.**

Sebasond sin art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il Departament da construcziun, traffic e selvicultura dil Grischun relaschau suandonta disposiziun:

1. Per mintga apparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmeins 14 kW, sto vegnir cumpensau ina tonna CO<sub>2</sub>. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO<sub>2</sub> e per apparats cun ina prestaziun da scaldar maximala da sur 28 kW sto vegnir cumpensau treis tonnas CO<sub>2</sub> e.a.v. Silmeins 20% dall'immissiun CO<sub>2</sub> sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.
2. Per mintga tonna che sto vegnir cumpensada, sto vegnir taccau ina vignetta vid igl apparat da scaldar. Ina vignetta vala mintgamai in onn naven digl 1. da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.
3. La cumpensaziun dall'immissiun da CO<sub>2</sub> succeda entras il possessur ni entras la vischnaunca.
4. Sch'ils possessurs cumpenseschan sezs l'immissiun da CO<sub>2</sub>, vegn la vignetta concedida gratuitameins entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO<sub>2</sub> (p.ex. myclimate). Per apparats da scaldar electrics sa l'obligaziun da cumpensar l'immissiun da CO<sub>2</sub> era vegnir ademplida, sch'ei vegn applicau – per mintga tonna CO<sub>2</sub> che sto vegnir cumpensada – cumprovadameins 4500 kWh d'electricitad ch'ei vegnida producida cun energias regenerablas.
5. Sch'ils possessurs cumpenseschan buca sezs l'immissiun da CO<sub>2</sub>, ston els cumprar tier la vischnaunca ina vignetta per mintga tonna CO<sub>2</sub> che sto vegnir cumpensada. Il prezi per vignetta importa frs. 60.–.
6. Las vischnauncas impundan igl entir recav dalla vendita da vignettas per cumpensar l'immissiun da CO<sub>2</sub>. Igl uffeci d'energia e traffic metta a disposiziun in agid d'execuziun per las vischnauncas.
7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas tier l'administraziun communal Disentis/Mustér, igl 1. d'october 2019

*Administraziun communal*

---

## Reducziun individuala dallas premias dalla cassa da malsauns 2019

Persunas e famiglias che vivan en relaziuns economicas mudestas san, risguardond certas premissas, dumandar contribuziuns vid las premias dall'assicuranza da basa obligatoria per la tgira da malsauns (LAM). Persunas che han uonn aunc buca fatg diever da quei dretg, san far quei entochen **la fin digl onn 2019 (davos termin, datum dil bul da posta 30-12-2019)**.

Informaziuns, basa legala, muossavia ed il formular d'annunzia ein d'anflar sin la pagina d'internet [www.sva.gr.ch](http://www.sva.gr.ch). Ils formulars san era vegnir retratgs tier l'administraziun communal. Per damondas stat il personal dall'administraziun communal bugen a disposiziun.

*Administraziun communal*

---

## Pigniel da Nadal 2019

Il menaschi tecnic dalla vischnaunca da Mustér organisescha uonn la vendita da pigneuls da Nadal. Ei vegn vendiu pignola mo sin empustaziun. Il pigniel sa vegnir retratgs ils 20 da december 2019 naven dallas 9.00–14.00 avon il luvratori dil menaschi tecnic a Cuo. Sin giavisch e per in prezi surpli da frs. 5.– vegn il pigniel era furnius avon casa. Il pigniel sa vegnir empustaus cul talun aschuntau **entochen ils 12 da december 2019**:



Adressa:

Uffeci forestal Disentis/Mustér  
Caum postal 57  
7180 Disentis/Mustér

telefon: 081 920 36 36  
Mail: [uflepp@disentis.ch](mailto:uflepp@disentis.ch)

*Bien engraziament*

### Talun d'empustaziun

Num:..... Prenom:.....  
Adressa:..... Telefon:.....

### Pégn (Rottanne)

1.10–1.50m	CHF 26.–	.....tocs
1.60–2.00m	CHF 29.–	.....tocs
2.10–2.50m	CHF 33.–	.....tocs

### Viez (Weisstanne)

1.20–1.70m	CHF 38.–	.....tocs
1.80–2.50m	CHF 43.–	.....tocs

### Pégn da Nordmann

1.10–1.50m	CHF 41.–	.....tocs
1.60–2.00m	CHF 56.–	.....tocs
2.10–2.50m	CHF 78.–	.....tocs

**Furnir a casa** gie..... na.....

### Pinar sez il pigniel da Nadal!

Igl uffeci forestal dat era uonn la pussevividad a mintga habitont ni hosp da Mustér dad ir egl uaul a pinar gratuitamein il pigniel da Nadal giavischau. Il selvicultur communal accumpogna ils interessai e dat in ni l'auter cussegl.

Nus s'entupein cun resti cauld, buns calzers ed in resgiut **sonda, ils 21 da december 2019, allas 9.30.**

**Il liug da sentupada vegn publicaus quater dis avon sut [www.disentis.ch/uau](http://www.disentis.ch/uau)** Tagliar pignola en uauls da schurmetg, plontaziuns sco era ord seivs da schurmetg ei scumandau! Per sclariment stat il selvicultur Simon Cathomen bugen a disposiziun.

*Uffeci forestal Disentis/Mustér*

---

### Clom da quens

Il quen communal vegn serraus giu cun **ils 31 da december 2019**. Per saver risguardar las expensas occurridas uonn el quen 2019, ei tut tgi che ha aunc da dar quen alla vischnaunca pigl onn current supplicaus da far quei entochen il pli tard **ils 20 december 2019**.

Nus supplichein tuttas firmas sco era tut ils officials dalla vischnaunca d'observar quei termin.

*Administraziun communal*

---

### Controlla da habitonts

#### Naschientscha

Noelia Flepp, naschida ils 26 da november 2019, feglia da Flurina Albin e Pascal Flepp



### Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!

*Vos Pumpiers Sursassiala*

---

### Uniun da dunnas Disentis/Mustér

#### Sontgaclau viseta ils seniors

**Dumengia, ils 8 da december 2019**, dallas 13.30 entochen allas 16.00 en halla Cons. Cun grond plascher envidein nus convischinas e convischins da 60 onns ensi alla tradiziunala sentupada cun Sontgaclau. Cun in pign program, la viseta dil Sontgaclau ed in puschegn lein nus porscher a Vus in pèr emperneivlas uras en buna cumpignia.

Accompignament musical: Las vuschs dil Rein

Nus selegrein da passentar ensemen cun Vus in bi suentermiezdi.

*Uniun da dunnas Disentis/Mustér*

---

### Apparat d'udida

**Gliendisdis, ils 9 da december 2019** saveis Vus schar schubergiar e rugalar Vies aparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.

---

### Vischinadi Segnas/Mumpé Tujetsch

Invitaziun alla radunonza generala da **venderdis, ils 6 da december** allas 20.15 en l'ustria «Cresta» a Segnas

#### Tractandas:

1. beinvegni
2. elecziun dad in dumbravuschs
3. prelecziun ed approbaziun dil protocol
4. orientaziun president
5. rendaquen e rapport dils revisurs
6. fixar tscheins per diever zona
7. program da lavur
8. varia

Cordialmein envida

*il president Armin Berther*

---



### S. Clau da Funs – Latis – Clavianiev

**Ils 7-12-2019** s'entaupan ils vischins e las vischinas da Funs, Latis e Clavianiev sco usitau s'enter messa da S.Clau allas 17.00 el curtin dalla «villa». Plinavon dat ei era uonn in program special pils affons. Bugen fa il S.Clau era ina viseta tier Vus a casa. Annunzias ein d'inoltrar entochen ils 1-12-2019 a:

Ricardo Flepp, e-mail: [ricardoflepp@gmail.com](mailto:ricardoflepp@gmail.com)

Nus selegrein sin ina biala sera da S. Clau.

*UG Funs, Latis e Clavianiev*

---

### Canorta Lumpazi

#### Sonda aviarta, ils 14 da december 2019

La canorta ei aviarta allas 7.30–17.30 per tuts affons denter in e dudisch onns. Annunzias entochen Mesjamna, ils 11-12 sut 081 936 40 65 ni [info@lumpazi-cadi.ch](mailto:info@lumpazi-cadi.ch).

Dapli informaziuns sut [www.lumpazi-cadi.ch](http://www.lumpazi-cadi.ch)

Nus termagliein, zambergein, cantein e semuentein comunablamein sut la tgira da persunas dil fatg.

Nus selegrein sin vus!

*Ils Lumpazis*

---

### Finiastras d'Advent a Segnas

Cun grond plascher astgein presentar la successiun dallas finiastras d'Advent a Segnas. In plan da situaziun detagliau anfleis navenda igl 1. da december 2019 sin tabla nua la casa da scola a Segnas. Grond engraziament a tuts e tuttas che preparan ina biala finiastra ed a tuts visitaders giavischein bials muments.

#### Successiun:

1. Carla Flury-Nay
  2. Nelly Huonder
  3. Silvia Gerlach
  4. Helen Lutz
  5. Rosmarie Fry
  6. Judith Cathomen
  7. Corina Büchi
  8. Bettina Jacomet
  9. Silvia Bucheli
  10. Christina Monn
  11. Rosangela Giger
  12. Anja Kittlich Berther
  13. Isabell Sialm
  14. Nadja Schmed
  15. Barla Jacomet
  16. Rosmaie Duff
  17. Regina Giger
  18. Clarissa Loretz
  19. Daniela Deflorin
  20. Barbara Candinas
  21. Toja Maissen Berther
  22. Sonja Durschei
  23. Darinka Cajacob
  24. Irma e Heidi Durschei
  25. Artgin
-



### Gruppa da puras Mustér

**Radunonza generala, venderdis ils 13-12-2019**, allas 20.00 ella ustria «Rhaetia», Mustér.  
In beinvegni fa

*la suprastonza.*

---

### Invitaziun Seniors-Ca

**Gievgia, ils 12 da december 2019** allas 13.45 ella Puntreis. Tema: presentaziun – Spitex Cadi e tuttas puschidas ella Puntreis.

---

### Meisa da miezdi organisada da Seniors-Ca e Puntreis

Entschatta: allas 12.15 ella Puntreis  
Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di alla Puntreis (tel. 081 929 56 56)  
La meisa da miezdi ei aviarta per mintgin/a.

*Post d'informaziun Seniors-Ca*

---

### Uniun samaritana Mustér

Preziadas samaritanas, prezias samaritans, per nossa sera d'advent s'entupeiin nus **ils 9 da december** allas 19.30 ella «Pizzeria Surselva» a Mustér. Ei vegn offeriu ina buna tscheina e nus lein guder in pèr bialas uras en buna cumpignia. Selegrond sin stedia participaziun,

*las organisaturas Catarina ed Elvira*

---

### Proxim «Café rumantsch» a Mustér

Nus s'entupeiin **venderdis, ils 13 da december** allas 20.00 ella Caffetteria dil Center da sport e cultura pil proxim «Café rumantsch». Quella ga discurrin nus sur digl usit da Sontgaclau a Mustér. Weshalb der Disentiser Samichlaus etwas spezieller ist als seine Kollegen auf der ganzen Welt, erfahren wir beim nächsten «Café rumantsch». Il «Café rumantsch» ei ina sentupada per tuts che vulan discuorer romantsch. Einheimische, Zweitheimische, Zugezogene und Gäste treffen sich regelmässig zum rätoromanischen Austausch. La sentupada ha liug regularmein, jeden zweiten Freitag im Monat. Nus selegrein sin stedia participaziun.

*Lia Rumantscha e Gion Hosang, menader*

---

### Concert Top Classic 2019

**Sonda, ils 28 da december 2019**, allas 20.00 en Sala Peter Kaiser dalla claustra a Mustér. Il dirigent Simon Camartin organisescha il concert festiv Top Classic 2019 – cun ovras da Bach, Strauss, Mozart, Elgar ed auters cumponists. Era uonn presenta el cuagl orchester dall'Ucraina INSO Academic Youth Symphony Orchestra L'viv ina sera da musica classica extraordinaria e sin nivel internaziunal. Accumpignada vegn la sera dalla flautista grischuna Alexa Deplazes e la harfista Christa Heer che concerteschan en in'ovra da Mozart. La sopranista Salome Cavegn conta treis canzuns popularas da Gion Giusep Derungs.



Prevendita ella Papetaria Libraria Andrea alla Via Sursilvana 27 a Mustér ni per telefon 081 936 43 36 naven dils 18 da november 2019. Cassa da sera (en cass ch'ei dat aunc bigliets d'entrada) naven dallas 19.00.

---